



UNIUNEA EUROPEANĂ



Xarni prezentàcia

O dujto Evaluaciako Rapòrto si kerdo and-o kontràkto **"I Implementàcia e Planoski vaś i Evaluàcia e Operacionalone Programoski Kompetitivipen 2014-2020, o 1-to Lòto: I evaluàcia e intervenciengi POC (Operacionàlo Progràmo Kompetitivipen) and-o umal e rodipnasko, buxljaripnasko, inovaciako"** (o Progràmo) phandavdo maśkar o Ministèro e Investiciengo thaj e Evroputne Projektorengo thaj i asociàcia kerdi andar o Themutno Institutò vaś Żantrikano Rodipen and-o Umal e Butjako thaj e Socialone Brakhipnasko (Lìdero) thaj o S.C. ERNST&YOUNG SRL (Asociàto), kontràkto kerdo and-o projèkto **"I Implementàcia e Planoski vaś i Evaluàcia e Operacionalone Programoski Kompetitivipen 2014-2020"**. O rapòrto prezentisarel e konklùzie vaś i dujto evaluaciaki buti, kerdi and-i periòda avgusto 2021-màrto 2022, dikhindoj e intervèncie lovjarde and-o POC 2014-2020, vaś rodipen, tehnologikano buxljaripen thaj inovàcia (CDI), te del pes vast k-o ekonomikano kompetitivipen thaj k-o buxljaripen e biznisurengo.

E intervèncie vaś rodipen, tehnologikano buxljaripen thaj inovàcia anen lengi dirèkto kontribùcia k-i implementàcia e Themutne Strategiaki vaś Rodipen, Buxljaripen thaj Inovàcia 2014-2020 thaj del vast k-o Parteneripnasko Akòrdo 2014-2020, speciàlo e direktone kontribuciasa k-o keripen e obietivosko – O barjaripen e rodipnasko, e tehnologikane buxljaripnasko thaj e inovaciako.

E specifiko obietivurja e programoske POC vaś rodipen, tehnologikano buxljaripen thaj inovàcia, save reprezentisarde vi e evaluaciake tème (TE) e kadale raportoske, si:

- O barjaripen e zantrikane śajnipnasko and-e umala vaś godjaver specializàcia thaj sastipen (i evaluaciaki tèma TE1)
- O barjaripen e kotorliipnasko and-o rodipen k-o nivèlo e Evroputne Uniako (i evaluaciaki tèma TE2)
- O barjaripen e privatone investiciengo and-o CDI (i evaluaciaki tèma TE3)
- O barjaripen anda so dikhel o transfèro e zanimatengo, e tehnologiako thaj e personalosko e kompetencenca CDI maśkar o pùblico, rodipnasko mèdio thaj o privàto mèdio (i evaluaciaki tèma TE4)

I metodològia e evaluaciaki anderjardjas jekh buxlo sètòs e instrumenturengo thaj e analizenge tipurengo. I kontrafaktuàlo evaluàcia e impaktoski, savi sas kerdi, andjas barjardo molipen k-e konstatacie thaj k-e konklùzie kerde, reprezentisarindoj jekh vastni buti k-o themutno nivèlo, andar i perspektiva e kompleksone metodologiaki savi sas aplikisardi, k-aśti te sikavel pes o impàkto e Operacionalone Programosko, thaj vi o inkeripen po lùngo vaxt e kadalesko.

E rezultàturja andar i jekhto evaluaciaki buti ankalavde anglal o fàkto so, k-aśti te xatjarel pes maj śukar e efèkturja thaj e kàuze kaj kerde len, trebùl te kerel pes jekh rekonstrukciaki intervèncie vaś i teoria e paruvipanski. Andar kadaja kàuza, and-i dujto evaluàcia, kerdjas pes i rekonstrukcia, o evaluaciako grùpo liindoj samate jekh azbalipen savo te dikhel maj miśto sar e intervèncie den vast te liel pes dirèkto, sigutne, intermediàro thaj po lùngo vaxt rezultàturja. Sajekhvar, i palemdikhli metodològia andar kadaja dujto evaluaciaki buti anderjardjas i eksploràcia dikhindoj e kauzàlo, eterogèno impàkturja vaś i evaluaciaki tèma 3 thaj o empiriko tètò e metodako diferènca and-e diferènca k-o regionàlo nivèlo vaś savorre śtar evaluaciake tème. Kana kerdjas pes i estimàcia vaś e kauzàlo, eterogèno impàkturja, sas line and-o dikhipen verver karakteristike, sar o aktivipnasko sektòro e kompaniako (agrikultùra, indùstria, konstrukcie, sèrvisurja), o baripen e firmako (mikro, tikne thaj maśkarutne firme), o instrumentosko tipo (projèkto e tipostar C thaj D, tehnologikano, inovativo projèkto palal o intervenciako berś), tha' vi o umal vaś godjaver specializàcia (Bioekonomia, e Informaciaki thaj Komunikaciengi Tehnologia, Than thaj sarbaripen, Enèrgia, mèdio thaj klimatèriko paruvimata, Eko-nanotehnologia thaj spidinde materiàlurja, Sastipen).



UNIUNEA EUROPEANĂ



Vaș te na aven e propagaciake efèkturja (spillover) thaj e kontaminàcie e tratamentoske (o efèkto e tratamentosko aști te ulavel pes vi opral e bitratarde unitèturja) save aști te aven vastne thaj aști te azban nasul e konklùzie e kontrafaktualone evaluaciake, sas implementisardi i kontrafaktuàlo evaluàcia k-o regionàlo nivèlo, kaj, labjarindoj dàte kidine geografikanes k-o nivèlo e sikavnengo pal-e rezultàturja thaj e intensitèturja e vastdinipnaske, kerel pes i eksploatàcia te dikhel pes savi rig andar o paruvipen e relevantone, rezultatoske sikavnesko aști te avel kerdi andar i kàuza e aktivipnaski POC, savo si o obièkto e investigaciako thaj savi rig si kerdi, paruvipnaste, andar i kàuza e biažukerde paruvipnaski.

E orizontàlo limite e evaluaciake inkeren e tiknjarde ginestar e projektorengo agorisarde zi k-o çhon novèmbera 2021, i dàta k-i savi sas biçalde e informàcie andar e datengi bàza MySMIS. Madikh so i dàta si kana kidjas pes i informàcia si jekh pašutni k-o agor e implementaciake periodako e programoski, sathaj **o gin e agorisarde projektorengo ačhiljas dòsta tiknjardo**, i agoripnaski dàta e maj but projektorengi isindoj zinzjardi e žutipnasa e adicionalone akturengo, andar i kàuza e suplimentarone, implementaciake pharimatengi kerde e krizatar COVID-19.

K-aști te analizarel pes i distribùcia and-o regionàlo profilo thaj p-e godjaver specializaciake umala e projektorenge rezultaturenge, sas labjarde e informàcie ankalavde andar i bàza MySMIS vaș e projèkturja kontraktisarde anglal novèmbera 2021. Inkliste kadja nesave **limitàcie**, save inkeren e faktostar so e programoske sikavne deklarissarde k-o nivèlo e projektosko si validime k-o agoripen e projektorengo, thaj and-i bàza MySMIS, dini e evaluaciake gruposke, na sas arakhle komplèto informàcie vaș savorre projèkturja save lien than akana. I validàcia e labjarde datengi sas kerdi e žutipnasa e komparaciako e informacienca anderjarde and-o Beršutno Implementaciako Rapòrto POC p-o 2019 thaj e žutipnasa e triangulaciako dikhindoj e rezultàturja e analizake e avere metodenca thaj kidine datenca.

And-o ansàmblò, o progràmò **POC dinjas anglal k-e trebaimata thaj provokàcie phandle e tiknjarde nivelostar e ekonomikane kompetitivipnasko k-o themutno nivèlo, ristjarindoj i relevànca e programoski vaș o ekonomikano kontèksto thaj i relevànca e CDI (rodipen, buxljaripen, inovàcia) andar i periòda 2014-2020**, mamuj e negativo tendèncie registrissarde k-o nivèlo e relevantone sikavnengo dikhindoj i evolùcia thaj i performànca e sistemaski vaș CDI. **O impàkto e intervenciengo sas generaloste pozitivò**, thaj e kerde investicie andine lengi kontribùcia and-e nesave kàzurja te ačhavel pes o teljovipen e sikavnengo thaj and-e aver kàzurja k-o inkeripen vaj k-o tikno barjaripen kadalengo.

E rezultàturja palal kadaja evaluàcia čacarde but e rezultàturja andar i evaluaciaki buti andar 2020, sikavindoj and-e detaja, and-e nesave kàzurja, nesave neve aspèkturja. Kadala rezultàturja vazdjarde o fàkto so o paruvipen angledikhlo and-o momènto kana sas projektisardo o progràmò aști te kerel pes, and-jekh lači mezùra, e intervèncie isindoj lačhes tradine karing e arakhle trebaimata. Ame patjas **so e pozitivò, kerde efèkturja avilenas maj importànto kana nesave kontekstuàlo fàktorurja avilenas maj favorutne** and-jekh maj bari mezùra (e lovjaripnaski intensitèta vaș o sistèmo CDI aviljasas kodoja planifikisardi, o krisutno thaj institucionàlo kàdro aviljasas maj stabìlo thaj maj prediktibilo, e ekonomikane evolùcie na avilenas azbaline negativone çhandeste e krizatar COVID-19).

I evolùcia e sikavnengi andar o sektòro CDI, thode and-i relàcia e obiektivurenca e intervenciengo andar i periòda 2014-2020, ankalavdjias anglal generàlo tendèncie, vaj tiknjariipnaske vaș i mažoritèta kadalengo, vaj bivastne barjaripnaske, e nesave konzunkturalone variacienca p-e telal-periòde. I periòda 2014-2020 karakterizissardjas pes, šerutnes, e but tikne barjaripnasa (e 0.09 procentualone viramenca) e privatone pokinimatengo vaș CD, p-o fòndo jekhe telal lovjaripnasko e umalesko, e negativone evoluciengo dikhindoj o gin e inovaciake biznisurengo thaj o gin e salariatorengo andar kadala biznisurja. And-o 2020, o procènto andar o PIB dikhindoj e privàto pokinimata vaș CD reprezentissarelas tòko 0,47% mamuj i res stabilime e Rumuniaki e 1% andar o PIB, ama čhivindoj pes p-o palutno than and-i Evroputni Ùnia. Jekh vastno, kontekstuàlo fàktoro savo ačhavdjias i implementàcia e projektorengi thaj o liipen e rezultaturengo si e efèkturja k-o ekonomikano thaj sociàlo nivèlo, kerde e pandemiatar COVID-19.



UNIUNEA EUROPEANĂ



I ekzekùcia e fondurengo and-o regionàlo profilo si bi ekilibrosko, o regiònò Bukurešti-Ilfov anindoj jekh kontribùcia e paše duje trinatengij k-o keripen e totalone pokinimatengo andar o aktivipen CD. Avere rigate, e maj bare barjarimata mamuj 2024 sas registrisarde and-o regiònò Vèsto, thaj e maj tikne and-o regiònò Nòrdo-Èsto. O trebaipen vaś i implementàcia po dur e aktivimatengi save sas angledikhle and-o Progràmò sas zorjardo vi e strategikone evoluciendar k-o themutno thaj evroputno nivèlo. O stràtègiko kàdro k-o nivèlo e Evroputne Uniako dikhindoj CDI liel angl-i jakh o dikhipen vaś stràtègiko buxljaripen po lùngo vaxt, šerutnes anda so dikhel o zorjaripen vaś jekh Evroputni Ària e Rodipnaski (ERA). Ama k-o themutno nivèlo, o **adoptisaripen kerdo po zabades jekhe beršesa** e Themutne Strategiako vaś Rodipen, Buxljaripen thaj Inovàcia 2014-2020, **vi po zabades oxtone čhonenca e Themutne Planosko vaś Rodipen-Buxljaripen thaj Inovàcia 2015-2020 sas les jekh negativo influènca vi opral o thavdipen e intervenciengo andar POC, lengo širdipen kerindoj pes butpalal.** Maj but, o institucionàlo kàdro savo si akana and-o umal CDI durjarel pes katar lesko rajaripnasko karaktèro, e **butvarne, institucionàlo paruvimata determinisarindoj o xasaripen e angledinipnasko thaj o adoptisaripen kerdo po zabades e krisutne kadrosko.**

Madikh e naćirla paruvimata kerde k-i fiskàlo legislàcia save dikhle te keren e aktivimata CDI maj cirdutne, i evaluàcia sikavel so **o krisutno thaj institucionàlo kàdro trebul te avel kerdo maj modèrno,** k-aśti te avel maj laćho adaptisardo k-e stràtègiko obiekktivurja dikhindoj o barjaripen e zantrikane šajnimatengo, te kerel pes **jekh maj laćhi stràtègiko programàcia thaj planifikàcia,** favorutne kondicie thaj **vastdinipnaske, lovjariipnaske instrumenturja save te stimulisaren o kotorliipen e privatone firmengo k-o aktivipen CDI** thaj k-aśti te kerel i karièra CDI te avel maj cirdutni.

Akana, **o adoptisaripen kerdo po zabades jekhe neve, strategikone kadrosko thaj jekhe neve, themutne planosko vaś CDI, 3i and-o kadava momènto, kerela vi and-o avutnipen rimosarimata and-o liipen e fondurengo thaj and-o thavdipen e avutne programosko.**

And-o ansàmblò, **e rodipnaske infrastrukture andar amaro them sas len jekh buxljaripnaski tendènca** and-i implementaciaki periòda e programoski POC 2014-2020, thaj **o gin e publikone-privatone ko-publikaciengo thaj e maśkarthemutne, zantrikane ko-publikaciengo k-jekh miliònò e themutne manuśengo barjardjas,** thaj o Progràmò sas les jekh vastni kontribùcia and-i kadaja perspektiva. Sathaj, **i Rumùnia aćhel but telal i evroputni mèdia** anda so dikhel e evolùcie registrisarde and-i periòda 2014-2020.

*E intervèncie dikhindoj o barjaripen e zantrikane šajnipnasko and-e umala vaś godjaver specializàcia thaj sastipen sikavde pen sar **baxtagoreske intervèncie, vastdindoj i angazàcia e neve roditrengi thaj o barjaripen e numerosko e roditrengo save keren buti and-e laćharde, rodipnaske infrastrukture.*** I implementàcia e projekteurengi andjas laki kontribùcia k-o barjaripen e performancengo e beneficiarurenge and-o: liipen e produkturengo, procesurengo, neve/laćharde tehnologiengo, o keripen e publikaciengo thaj artikularengo, o laćharipen e sombutimatengo C&D. Kadala efèkturja tradine k-o laćharipen e tehnologikane transferosko e produkturengo, procesurengo, tehnologiengo, thaj vi k-e efèkturja dikhindoj i propagàcia e prinzaripnasko karing aver bizonisurja thaj organizàcie vaś CD. K-o nivèlo e sektorurengo/marketurengo save si relevànto/line angl-i jakh e projekteurendar, e intervèncie POC dikhindoj o barjaripen e zantrikane šajnipnasko and-e umala vaś godjaver specializàcia thaj sastipen dine vast, paśal aver fàktorurja sa kadja importànto, k-i emergènca e nesave adicionalone, ekonomikane aktivimatengi thaj sas len jekh bari kontribùcia k-e laćharimata dikhle palal o zorjaripen e sistemasko CDI. K-o regionàlo nivèlo, i intensiteta e intervenciengi POC, anda so dikhel o barjaripen e zantrikane šajnipnasko and-e umala vaś godjaver specializàcia thaj sastipen, sas lan jekh dirèkto efèkto opral o gin e maśkarthemutne, zantrikane ko-publikaciengo, opral e totàlo pokinimata andar o aktivipen vaś rodipen-buxljaripen thaj opral o gin e zenengo e opralutne studienca, save si angazuime and-o zanglipen thaj tehnologia. Anda so dikhel o generàlo, aźukerdo impàkto, o vastdinipen POC pal-o barjaripen e zantrikane šajnipnasko and-e umala vaś godjaver specializàcia thaj sastipen andjas leski kontribùcia, paśal aver fàktorurja, sa kadja importànto, k-o laćharipen e andrutne kompetitivipnasko thaj e ekonomikane barjaripnasko and-e umala e projekteurenge, thaj k-o barjaripen e nivelurengo e publikone thaj privatone investicienge CD and-e zòne line and-o dikhipen e projekteurendar.



UNIUNEA EUROPEANĂ



And-i periòda 2014-2021, o kotorliipen e Rumuniako and-o rodipen k-o nivèlo e Evroputne Uniako barjardjas, and-i komparàcia e periodasa 2007-2013. **E intervèncie lovjarde dikhindoj o barjaripen e kotorliipnasko and-o rodipen k-o nivèlo e Uniako e programosko POC dine vast k-o barjaripen e rumunikane kotorliipnasko k-o Progràmò Orizònto 2020**, jekh fàkto sikavdo katar o barjaripen e frekvenciako e kotorliimatengi, e numerosko e lovjarde projèkturenge thaj e molipnasko kadalengo. E rezultàturja sas çáçarde vi e analizatar diferènçe and-e diferènçe and-o regionàlo profilo.

Madikh so o baxtagoresko procènto e propozalengo kerde e rumunikane beneficiarurendar si zalaga opral i evroputni mèdia, o maškarutno molipen jekhe lovjarde projektosko si but maj tikno sar o molipen katar o nivèlo e Evroputne Uniako. Kadava fàkto sikavel so o nivèlo dikhindoj o kompleksitèto e projekturenge thaj o šajnipen CDI si vi maj dur tiknjarde mamuj i mèdia e Evroputne Uniaki.

Sas prinzarde misala save sikaven so o progràmò POC sas les kontribùcia k-o zorjaripen e šajnipnasko CD e organizaciengo save si beneficiàrurja. E vastdinipnasa e avrutne roditrenge, e projèkturja kerde e trebutne premise vaš o buxljaripen e neve partenerimatengo k-o themutno thaj maškarthemutno nivèlo, vaš o keripen e nesave ekscelenciaike centrurenge thaj o barjaripen e vizibilitetosko thaj e reputaciako k-e organizàcie save si beneficiàrurja.

I kontribùcia POC, dikhindoj o barjaripen e kotorliipnasko and-o rodipen k-o nivèlo e Evroputne Uniako, savi sas andini k-ašti te barjarel pes o šajnipen e inovaciako, si limitisardi. I šerutni kàuza si so e prioritète vaš i pùbliko politika si stabilime po lùngo vaxt, and-o vaxt kana e paruvimata and-e kompetitivo sektòrurja si butvarne thaj keren jekh bari inovaciaki zor and-jekh xarno vaxt, and-i bàza e tehnologikane progresoski. Kadja, si o risiko so e investicienge prioritète te na aven kerde palal e trebaimata and-o biaçhavipnasko paruvipen e kadale sektorurenge.

*E intervèncie dikhindoj o barjaripen e privatone investiciengo and-o CDI sas len **pozitivo efèkturja opral e bìznisurja e aktivipnasa CD***. I kontrafaktuàlo analiza sikavel jekh pozitivo impàkto opral o barjaripen e privatone pokinimatengo vaš CDI, k-jekh berš katar i intervència (po xarno vaxt). Tha', **p-o maškarutno vaxt** (k-e duj, trin berša katar i intervència), **o efèkto e intervenciako si maj sigò negatìvo**. E rezultàturja inkeren pen vi and-o kauzàlo, eterogèno efèkto p-e kategòrie e firmenge: mikrobìznisurja, firme andar o sektòro sèrvisurja vaj çhivde and-o umal vaš godjaver specializàcia ICT, than thaj sarbaripen, firme lovjarde e intervenciasa Projèkto e tipostar C.

Anda so dikhel o efèkto e intervenciengo POC opral o profitabilitèto e firmengo save sas vastdine, i kerdi analiza sikavdjias so, and-o kàzo e biznisurenge cifrako, o efèkto sas pozitivo thaj po lùngo vaxt. Sajekh tipo e efektosko sas kerdo vi p-e diferime kategòrie e firmenge, patisarindoj sar anglal-intervenciako berš 2017. Kadja, dikhel pes jekh barjaripen e biznisurenge cifrako k-e duj, trin berša katar i intervència vaš mikrobìznisurja, firme andar o sektòro sèrvisurja thaj vaš e firme lovjarde e intervenciasa Projèkto e tipostar C. Jekh influènça sas vi opral e love line andar i eksploatàcia, von sasas maj but and-i analizisardi periòda, vi p-e nesave kategòrie e firmenge: tikne firme thaj mikrobìznisurja, e firme andar Sèrvisurja thaj Indùstria, kodola andar o umal vaš e informaciaki thaj e komunikaciengi tehnologia, than thaj sarbaripen thaj firme lovjarde e intervenciasa Projèkto e tipostar C. O nètò profìto registrisardjas barjarimata and-e anglutne duj berša katar i intervència, thaj maj palal tiknjardjas pes. P-e kategòrie e firmenge, pozitivo rezultàturja sas line vaš: e tikne firme, kodola andar Sèrvisurja thaj andar o umal vaš e informaciaki thaj e komunikaciengi tehnologia, than thaj sarbaripen (k-jekh berš katar i intervència), mikrobìznisurja thaj firme lovjarde and-e Projèkturja e tipostar C (k-e 2, 3 berša katar i intervència). I korkorri kategòria vaš savi o efèkto opral o nètò profìto sas pozitivo and-e savorre berša palal i intervència sas o sektòro Indùstria. I evolùcia e numeroski dikhindoj e salariàturja na sas vastdini e intervenciendar POC, o efèkto palem inklistjas pozitivo tòko and-o jekhto berš palal in intervència. P-e kategòrie e firmenge, e rezultàturja sikaven sajekh efèkto and-o kàzo e firmengo andar Sèrvisurja thaj e kodolengo andar e umala e informaciaki thaj e komunikaciengi tehnologia, than thaj sarbaripen.

Patarindoj so i anglal-intervència sas and-o berš 2019, vaš e projèkturja širdinde and-o berš 2020, dikhel pes jekh pozitivo efèkto opral e biznisurengi cifra and-o kàzo e tikne firmengo, e kodolengo andar



UNIUNEA EUROPEANĂ



o umal sèrvisurja, andar o umal vaş e informaciaki thaj e komunikaciengi tehnologia, than thaj sarbarripen thaj e kodolengo save sas lovjarde e intervenciasa Inovativo, tehnologikano projèkto. And-o kàzo e lovengo line andar i eksploatacìa, o efèkto sas pozitivò vaş: tikne firme, kodola andar Sèrvisurja thaj Indùstria, e firme andar e umala vaş e informaciaki thaj e komunikaciengi tehnologia, than thaj sarbarripen thaj Eko-nano-tehnologìes thaj spidinde materiàlurja, thaj vi kodola save sas lovjarde e instrumenturenca Projèkto e tipostar C thaj Inovativo, tehnologikano projèkto. O efèkto opral o nèto profito sas pozitivò vaş mikrobiznisurja thaj e tikne firme thaj kodola andar e umala vaş e informaciaki thaj e komunikaciengi tehnologia, than thaj sarbarripen, Eko-nano-tehnologìes thaj spidinde materiàlurja. And-o kàzo e maşkarutne ginesko e salariaturengo, o efèkto inklisto pozitivò vaş e firme andar Indùstria thaj kodola andar o umal Eko-nano-tehnologie thaj spidinde materiàlurja, thaj vi vaş kodola lovjarde e instrumenturenca Projèkto e tipostar C thaj Inovativo, tehnologikano projèkto.

E rezultàturja and-o regionàlo profilo sikavde so e intervèncie dikhindoj o barjaripen e privatone investiciengo and-o CDI tradine k-o barjaripen e mangipnasko vaş kinbikipnaske märke, jekh relevànto, inovaciako sikavno and-o sektòro e servisurengo.

Faktoste, **madikh so sas tikne and-o totàlo, e barjarimata e pokinimatengo vaş o kapitàlo sas, paşal sasteste, andar e intervèncie e programoske.** E beneficiàrurja patjan so, bi o vastdinipen dino and-o POC anda so dikhel o barjaripen e privatone investiciengo and-o CDI, i implementàcia e aktivimatengi planifikisarde and-e projèkturja na aviljasas kerdi vaj aviljasas kerdi kotorengo vaj butpalal.

I evolùcia e programoske sikavneni sikavel jekh pozitivò kontribùcia e Programoski k-o barjaripen e ginesko e vastdine kompaniengo thaj k-o cirdipen e neve roditrenge and-e kadala, tradindoj vi k-o barjaripen e pokinimatengo vaş CDI. E pozitivò efèkturja si vi anda so dikhel o barjaripen e mangimatengo vaş brevèturja kaj sas andar e projèkturja, and-o vaxt kana i kontribùcia e kadale intervenciengi k-o barjaripen e ginesko e publikone-privatone ko-publikaciengo si tikni. And-o regionàlo profilo, dikhel pes maj laçhes o regiòno Bukureşti-Ilfov, jekhe vastne kontribuciasa k-o azbalipen e sikavnenge. And-o sektoriàlo plàno, inklel anglal o umal vaş i tehnologia e informaciaki thaj e komunikaciengi, than thaj sarbarripen jekhe mažoritarone kontribuciasa 53%, and-o vaxt kaj e aver umala si len maj tikne kontribùcie.

Sathaj e intervèncie POC *dikhindoj o barjaripen e privatone investiciengo and-o CDI* na dine vast k-i evolùcia e ginesko e salariaturengo and-e biznisurja save line e intervèncie, dikhlijas pes so o Progràmo stimulisardjas p-o xarno vaxt o barjaripen e profitabilitetosko e biznisurengo e aktivipnasa CD thaj o barjaripen lenge şansengo te inkeren pen and-i periòda 2018-2020. Madikh o inklitipen e efektorengo katar i kriza COVID-19 k-o nivèlo e ekonomiako, e rodipnaske biznisurja thaj organizàcie inkeren penge optimistò estimàcie dikhindoj e biznisurengi cifra thaj o profitabilitèto.

Anda so dikhel i evolùcia e progresoski savo sas dikhlo and-o phiravipen e rodipnaske organizaciengo thaj e biznisurengo vaş o transfèro e zanimatengo, tehnologiako thaj personalosko, katar o adoptisaripen POC dikhel pes jekh **zorjaripen e sombutipnasko e tikne thaj maşkarutne biznisurengo, sathaj vi maj dur e bare firme si kodola save sombutikeren maj but.** *E intervèncie dedikime k-o barjaripen dikhindoj o transfèro e zanimatengo, e tehnologiako thaj e personalosko saves si les kompetènca CDI, maşkar o rodipnasko, pùbliko mèdio thaj kodova privàto sas len pozitivò efèkturja* opral kadala. O vastdinipen POC sas i kàuza savi determinisardjas i implementàcia e projektorengi. Bi kadava, e aktivimata sas kerde butpalal vaj na sas kerde, vi katar e organizàcie vaş CD, vi katar e firme save si partenèrurja. E beneficiàrurja e projektorengi, vi rodipnaske institùcie, vi IMM (tikne thaj maşkarutne biznisurja) patanile so sas şukar o komplèkso dizàino e lovjaripnaske instrumentosko, o ververipen thaj o xamipen e planifikisarde aktivimatengo, thaj vi e pùbliko-privàto sombutipnaske oportunitèturja dine e instrumentostar, paşal jekh baro lovjaripen.

Analizarindoj e sombutipnaske drakhinja save si maşkar e participànturja, dikhel pes so maşkar lende i informàcia phirel dòsta phares, thaj e phandlimata na keran pen lokhes, thaj adaja buti aşti te bifavorizisarel o transfèro e zanimatengo, e tehnologiako thaj e personalosko maşkar e entitèturja e



UNIUNEA EUROPEANĂ



Instrumente Structurale
2014-2020

drakhinjake. E partenerimata maşkar e organizàcie save lien kotor bazisaren pen p-e purane, sombutipnaske relàcie, so xaljarel o but vastno klusterizaciako gràdo k-o nivèlo e sombutipnaske drakhinjako, e žutipnasa e nesave entitaturenge grupurengo save si len but sombutimata and-o grùpo. I komparàcia e evoluciaki e drakhinjaki maşkar e duj evaluàcie sikavel and-o jekhto rend o buxljaripen kadajako, nesave komponènte sas thovdine and-i bari komponènta kerindoj neve partenerimata, ama inkliste vi neve komponènte. E kòmburja laçhe çivde thaj phandle andar i anglutni fòrma e drakhinjaki kiden vi maj dur phandlimata thaj influènca and-i drakhin.

E lovjarde projèkturja tradine k-o **cirdipen e neve roditrengo and-e rodipnaske institùcie, thaj vi k-jekh maj laçho moljaripen e infrastrukturengo vaş CD save si akana**, k-o buxljaripen e manušíkane kapitalosko, e animatengo thaj e kompetencengo e personaloske vaş CD, k-o keripen thaj inkeripen e butjake thanengo and-e institùcie vaş CD, thaj vi k-o liipen e produkturengo thaj procesurengo, e neve tehnologiengo mangle p-o màrketo, o liipen e animatengo, vi e šajnimatengo thaj kompetencengo k-ašti te anglidel k-e buxljaripnaske trebaimata e firmake, thaj vi k-o keripen thaj inkeripen e butjake thanengo and-i firma. E lovjariipnaske instrumèturja buxljarde and-o POC, dedikime k-o *barjaripen e transferosko vaş animata, tehnologia thaj personàlo saves si les kompetènca CDI maşkar o pùbliko, rodipnasko mèdio thaj o kodova privàto* sikavde pen cirdutne vaş kodola štar umala dikhindoj i godjaver specializàcia, ama maj zalaga vaş o umal e publikone prioritetako "Sastipen".

And-o kàzo e *intervenciengo POC dedikime k-o barjaripen e transferosko vaş animata, tehnologia thaj personàlo saves si les kompetènca CDI maşkar o pùbliko, rodipnasko mèdio thaj o kodova privàto*, e evolùcie e programoske sikavnenge sikaven jekh bari kontribùcia k-o **barjaripen e ginesko e kompaniengo save sombutikeren e rodipnaske institucienca**, thaj kadja i res planifikisardi vaş o berş 2023 sas but nakhli prdal. O progràmo sas les jekh pozitivno kontribùcia vi k-o barjaripen e ginesko e kompaniengo save sas vastdine vaj save si len akana vastdinipen k-ašti te thoven neve prodùkturja p-o màrketo, sathaj vaş e palutne e efèkturja sas maj tikne. E projèkturja tradine, sa kadja, k-o thovdipen e neve mangimatengo vaş brevèturja thaj k-o keripen e publikone-privatone ko-publikaciengo. E rezultàturja e analizake diferènca and-e diferènca and-o regionàlo profilo ankalavde anglal dirèkto efèkturja e intervenciengo POC dedikime *k-o barjaripen e transferosko vaş animata, tehnologia thaj personàlo saves si les kompetènca CDI maşkar o pùbliko, rodipnasko mèdio thaj o kodova privàto* opral o gin e publikone-privatone ko-publikaciengo. E kezoske studiòvurja çacàren so and-e savorre projèkturja e sikavne dine sar propozàlo vaş i implementaciaki periòda sas azbaline vaj nakhle prdal, savorre projèkturja arakhindoj pen k-o širdipen e periodako vaş inkeripen po lùngo vaxt.

E efèkturja registrisarde save si thovdine p-i sama e Programoski ašti te inkeren pen po lùngo vaxt. E intervèncie POC, dikhindoj o barjaripen e zantrikane šajnipnasko and-e umala vaş godjaver specializàcia thaj sastipen, si len o potenciàlo te registrisaren, and-o avutnipen, jekh baro efèkto nèto, pozitivno opral o kompetitivipen and-e umala vaş godjaver specializàcia thaj sastipen. Sa kadja, e evaluàcie sikavde so e pozitivno efèkturja e intervenciake opral o gin e salariaturengo si len i tendènca te inkeren pen. Kerel pes i estimàcia te inkeren pen e neve kerde butjake thana, te kerel pes vi maj dur o sombutipen e specialisturenca andar e avrutne thema thaj te rodel pes neve lovjariimata. Sa kadja, e sèrvisurja thaj e prodùkturja save sas kerde and-e lovjarde projèkturja si len o šajnipen te inkeren pen thaj te keren neve prodùkturja.

O progràmo si les jekh pozitivno impàkto, po lùngo vaxt, ama tiknjardo, vi opral e živipnaske šanse e biznisurenge. E pozitivno efèkturja opral e biznisurengi cifra, o profito thaj o gin e salariaturengo inkeren pen maj dur and-o vaxt, ama o barjaripnasko ritmo e kadalengo tiknjarel pes. E efèkturja opral o koboripen e rodipnaske aktivimatengo thaj opral o gin e butjake thanengo vaş roditre ama tiknjarde pen but palal o agor e intervenciengo dedikime k-o barjaripen e privatone investiciengo and-o CDI.

E efèkturja e intervenciengo POC, dedikime k-o *barjaripen e transferosko vaş animata, tehnologia thaj personàlo saves si les kompetènca CDI maşkar o pùbliko, rodipnasko mèdio thaj o kodova privàto*, ašti te buxljaren pen, e entitèturja save line i intervèncie godisarde te inkeren thaj te keren neve partenerimata, te buxljaren neve prodùkturja thaj sèrvisurja vaş CD, te inkeren vi maj dur e pozitivno efèkturja k-o nivèlo e



UNIUNEA EUROPEANĂ



firmengo vastdine anda so dikhel e biznisurengi cifra, te keren jekh verver produkcia, te barjaren o kompetitivipen thaj i privato investicia and-o CD.

O inkeripen po lungo vaxt e efektorengo trebul te avel vastdino katar e avutne politike thaj progrãmurja vaš o vastdinipen e parteneripnasko maškar rodipen thaj indùstria, katar o prediktabiliteto e lovjarimatengo, o stabiliteto thaj prediktabiliteto e krisutne, institucionalone thaj fiskalone kadrosko, tha' vi katar nesave globalo evolucie sar si o barjaripen e impaktosko e digitalizaciako. Avere rigate, o inkeripen po lungo vaxt e efektorengo aštizelas te avel azbalino nasul katar o nanaipen e trebutne, lovjaripnaske xaningengo, katar ekonomikane vaj sanitaro, bifavorutne evolucie, o biprediktabiliteto e krisutne kadrosko, i migracia e butjake zorjaki uco specializime, ama vi katar o nanaipen e prioritetako e sektorosko vaš CDI k-o nivelo e themutne, publikone politikengo.

E mekanismurja, save lokhjarden vaj ačhavden te liel pes efekturja, **si verver**, ama jekh kotor andar kadala sikavde pen orizontales, vaš savorre vaj i mažoriteta e specifikone obiekturengi. Maškar kadalende, e maj vastne mekanismurja save dine vast te keren pen pozitivno efekturja si: **o mekanismo vaš o anglal lovjaripen, o sombutipen došta lačo e beneficiarurengo e lovjaripnaske organismurenca thaj e progrãsurja and-o sadjaripen e administrativone procedorengo dikhindoj o keripen thaj i administracia jekhe biznisoske.**

Paruvipnaste, e specifiko faktorurja e Programoske, save **ačhavde** o inklistipen e efektorengo si:

- o baro evaluaciako vaxt thaj o telexramosaripen butpalal e lovjaripnaske kontraktorengo (kodoleske sas paruvdi i legislacia vaš e publiko kinimata),
- o nanaipen e klaritetako and-e lovjaripnaske gidurja (o modelo e gidosko si universalo vaš savorre autoriteturja, sar mangljas o Ministero e Investiciengo thaj e Evroputne Projektorengo),
- i bari birokracia anda so dikhel o raportisaripnasko proceso and-i implementacia,
- i bari periodo vaš i analiza e mangimatengo dikhindoj o dinipen palpale e lovengo,
- i platforma MySMIS bi intuitivo.

E evaluaciake konstatacie tradine te kerel pes nesave **rekomentacie bičhalde speciãlo karing i Managementoski Autoriteta e Programoski**, save si len efekturja vi opral aver institucie andar o managementosko sistemo e evroputne fondorengo (intermediaro organismurja, aver departamenturja andar o Ministero e Integraciako thaj e Evroputne Projektorengo), thaj vi karing o **Ministero e Rodipnasko, Digitalizaciako thaj Inovaciako.**

Vaš o baxtagor e avutne intervenciengo, si but vastno te kerel pes i **modernizacia e krisutne thaj institucionalone kadroski** k-ašti te avel maj šukar adaptisardo k-e strategiko obiekturengi vaš o barjaripen e zantrikane šajnimatengo, k-ašti te ristjarel pes **jekh maj lači strategiko programacia thaj planifikacia**, favorutne kondicie thaj lovjaripnaske instrumenturja save te den vast te stimulisarel pes o kotorliipen e privatone firmengo k-o aktivipen CDI thaj k-ašti te kerel i kariera and-o CDI but maj cidutni.

O baxtagor e Programosko thaj e lovjarde intervenciengo and-o umal CDI si but influensime katar o krisutno thaj institucionalno kadro and-o savo kadava sas implementisardo. Kadja, e evaluacie sikavde o trebaipen te palem kerel pes i projektacia e krisutne kadroski, savo te avel maj šukar adaptisardo k-e strategiko obiekturengi, thaj te del vast k-i implementacia e principurengi jekhe "Putarde Žanglipnaski", jekh intervencia kaj si but trebutni vaš o kotorliipen e Rumuniako k-o keripen ERA. O krisutno kadro trebul te avel transparento, prediktibilo thaj te avel lokhes implementisardo. Sa kadja, trebul te palem dikhel pes o institucionalno kadro k-ašti te avel stabilime jekh guvernanca kaj te ristjarel e trebutne kondicie vaš o buxljaripen e umalesko CDI.

E evaluacie sikavde so trebul **te barjarel pes o lovjaripnasko nivelo vaš CDI**, thaj vi **o prediktibiliteto e lovjaripnaske mekanismurengo k-o nivelo e sektorosko CDI**, k-ašti te barjarel pes o komplementaritetu e intervenciengo POC, dikhindoj o barjaripen e zantrikane šajnipnasko and-e umala



UNIUNEA EUROPEANĂ



vaş godjaver specializàcia thaj sastipen, e aver programurenca, vaş o zorjaripen thaj buxljaripen e sektorosko CDI thaj te del vast k-o inkeripen po lùngo vaxt e efekturenco POC.

E rekomendàcie vaş o lačharipen e implementaciake strategiako dikhel, šerutnes, o tiknjaripen e evaluaciake periodengo thaj o kontraktisaripen e projekturenco kadja, k-ašti te kerel pes i implementàcia kadalengo po pašal k-o momènto kana kerel pen e lovjaripnaske mangimata. Sa kadja, and-o kontèksto e pandemiako COVID-19 kerel pes i rekomendàcia te kerel pes fleksibilo e implementaciake periòdes e projekturenge, liindoj and-o dikhipen so and-o alosaripnasko procèso e projekturenco sas kerde aktivimata butpalal. Sa kadja, **kerel pes i rekomendàcia te tiknjarel pes i birokràcia e intervenciengi** POC dikhindoj o barjaripen e zantrikane šajnipansko and-e umala vaş godjaver specializàcia thaj sastipen kadja, k-ašti te tiknjarel pes o administrativo pharipen vaş e beneficiàrurja. O keripen e institucionalone cirkuiturenco te aven eficiènto thaj o ristjaripen e manušíkane resursenco save si trebutne k-ašti te tiknjarel pes e vaxta vaş o aprobisaripen e adicionalone dokumenturenco k-e lovjaripnaske kontràkturja, dena vast e beneficiàrurenge te adaptisaren sigo o gràfiko e aktivimatenca, i struktùra e buzetoski thaj e investiciengi k-e avrutne obligàcie kerde katar o thavdipen e kinimatengo, o liipen e autorizaciengo, o paruvipen e precurenco, e tehnologikane evolùcie, o thovipen e lupunzengo k-e distribuciake zanzira, i epidemiològiko situàcia th.a. **E rekomendàcie vaş o lačharipen e implementaciake thaj monitorizaciake procedurenco** lien angl-i jakh o tiknjaripen e birokraciako, o sadjaripen e mangle dokumenturenco, o lačharipen e platformako MySMIS thaj lako labjaripen k-ašti te lokhjarel pes o vakjaripen maşkar e beneficiàrurja e programurenge thaj e zene save kerel i texnikani thaj lovjaripnaski monitorizàcia. O lačharipen e funkciengo and-i platfòrma MySMIS, e akceibilitetosko e informaciengo, e mekanismurenco vaş i validàcia e informaciengi thaj vaş o keripen e logikone korelaciengo maşkar kadala ašti te kerel eficiènto o monitorizaciako procèso. Kerel pes i rekomendàcia te lačharel pes o monitorizaciako procèso e Programosko thaj te kerel pes jekh dashboardo and-i platfòrma, kaj te sikavel and-o reàlo vaxt o keripnasko gràdo e sikavnengo save sas resljarde e Programostar. **E rekomendàcie vaş o lačharipen e lovjaripnaske cirkuitosko e projekturenco** lien and-o dikhipen, šerutnes, te kerel eficiènto i analiza e mangimatengi thovdine vaş o dinipen palpale e lovengo thaj vi e pokinimatengi karing e beneficiàrurja, te kerel fleksibilo e règule dikhindoj o dinipen e lovjaripnasko p-e pokinipnaske kapitularja thaj vi o krisutno kàdro anda so dikhel e kinimata vaş e tikne firme. Sa andar i lovjaripnaski perspektiva, kerel pes i rekomendàcia te kerel pes thaj te zorjararel pes nesave instrumènturja k-ašti te lokhjarel pes o akcèso e organizaciengo save si beneficiàrurja, e tikne thaj maşkarutne biznisurenco, k-e lovjaripnaske instrumènturja katar o vesto mårketo. **O thovdipen and-i pràktika e nesave vastdinipnaske mezurenco vaş e beneficiàrurja, k-ašti te administrisarel pes e riskurja kerde katar nesave bifavorutne evolùcie k-o sektoriàlo nivèlo** (energètiko krìza, o barjaripen e precurenco k-e nesave prodùkturja thaj sèrvisurja), thaj kadja te del vast k-i implementàcia e projekturenco thaj o azbalipen e stabilime rezultatsurenco.

O ristjaripen e avutne, lovjaripnaske xaningengo si but vastno k-ašti te vastdel o zorjaripen, o zinzaripen, o labjaripen thaj i popularizàcia e šajnimatengo vaş CDI, lačharde and-o POC, dikhindoj o barjaripen e zantrikane šajnipansko and-e umala vaş godjaver specializàcia thaj sastipen, vaş i aktualizàcia e softurenco, o kinipen e trebutne, komplementarone ekipamenturenco thaj e materialurenco save labjaren pen and-o biròvo, o paruvipen vaj i adaptàcia e nesave komponentengi, i popularizàcia e disponibilone servisurenco.

Kadja, o evaluaciako grùpo patjal so, and-o avutnipen, and-o jekhto rend trebul te kerel pes maj dur o lovjaripen e intervenciengo POC vaş o barjaripen e šajnipansko CDI, k-ašti te azbal pes i kritiko masa savi si trebutni vaş i performànca, vaş o vastdinipen dikhindoj i konektàcia jekhe maj bare ginesko e organizaciengo CD k-e themutne thaj maşkarthemutne drakhina vaş CD, k-i zantrikani literatùra thaj k-e maşkarthemutne datenge baze.

Sa kadja, rekomendisarel pes te kerel pes maj dur i implementàcia e programurenco save te stimulisaren o zorjaripen e rodipnaske šajnipansko thaj o barjaripen e ekscelenciako and-i sinergia e aktivimatenca e programoske Orizònto 2020, e Evroputne Uniako, e akcentosa p-i adaptàcia kadale intervenciengi k-e



UNIUNEA EUROPEANĂ



ekonomikane evolùcie thaj zumavindoj te na zorjaren e bibarabarimata maškar e buxljaripnaske regiònurja.

Vaš o **sustenabilitèto e intervenciako dikhindoj o cirdipen e specialisturengo andar e avrutne thema**, e prinzarde kompetenca, kerel pes i rekomendàcia te del pes vast k-o kotorliipen e organizaciengo, saven si len jekh buxljardo mekanismo kaj del o šajutnipen te kerel pes maj dur o sombutipen thaj o lovjaripen e aktivipnasko e avrutne roditrosko, vi palal o agoripen e projektosko. Kadaja buti aštizelas te avel amboldini and-o šajutnipen te del pes jekh suplimentàro punktàzo e organizaciengo saven si len jekh kasavo mekanismo and-i institùcia.

Sar jekh rekomendàcia, kerel pes o propozàlo te implementisarel pes vi maj dur progràmurja save te stimulisaren o barjaripen e privatone investiciengo and-o CDI, e akcentosa p-i adaptàcia kadale intervenciengi k-e ekonomikane evolùcie thaj zumavindoj te na zorjaren e bibarabarimata maškar e buxljaripnaske regiònurja. And-o kadava manaj, o Ministèro e Investiciengo thaj e Evroputne Projektorengo thaj maj but i Managementoski Autoritèta vaš o Operacionàlo Progràmo Kompetitivipen trebun te ristjarel i sasti implementàcia e Obiektivoski kaj dikhel te barjarel e privàto investicie and-o CDI e programosko POC, zi k-o agor e akanutne, programaciake periodako thaj te planifikisarel vaš i periòda 2021-2027 intervencie and-o umal, liindoj and-o dikhipen i adaptàcia kadalengi k-e akanutne provokàcie e umaleske CDI thaj k-o ekonomikano kontèksto. Si trebunne jekh maj baro prediktibilitèto thaj regularitèto e kompeticiengo dedikime e tikne, inovaciake firmenge, tha' vi o keripen maj dur e programurengo kaj si akana, e programurenca save te den vast k-o avutno buxljaripen thaj o opreinkeripen si k-i komercializàcia, vi p-o themutno mårketo, vi p-o maškarthemutno.

Na and-o palutno rend, kerel pes i rekomendàcia **te implementisaren pen maj dur progràmurja save te stimulisaren o keripen thaj o buxljaripen e somutipnaske relaciengo maškar rodipnaske organizàcie thaj biznisurja**, thaj vi o keripen jekhe **lovenge dinipnasko kaj te del o šajutnipen te širden maj but kompeticie and-jekh programaciako cìklus**o (and-i periòda 2014-2020 širdjas jekh korkorri kompeticia kadale tipostar). Sa kadja, si trebunne jekh maj baro prediktibilitèto thaj regularitèto e kompeticiengo dedikime generaloste e publikone-privatone transferoske vaš zanimata; o keripen jekhe analizako k-ašti te arakhen pen e kàuze vaš o tikno gin e aplikaciengo e projektorengo p-o umal "Sastipen"; i stimulàcia vaš o cirdipen and-e partenerimata e tikne firmengo save si but dinàmiko thaj e potencialosa te labjaren verver marketoske niše, o baxtagor and-o cirdipen e tikne firmengo si phandlo ama e somlovjaripnaske procentostar kaj si manglo vaš nesave tipurja e aktivimatenge vaš aplikativo rodipen; i implementàcia vi maj dur e nesave programurengi save te stimulisaren o keripen thaj o buxljaripen e sombutipnaske relaciengo maškar rodipnaske organizàcie thaj biznisurja vaš o transfèro e zanimatengo, e tehnologiako thaj personalosko CDI, e akcentosa p-i adaptàcia kadale intervenciengi k-e ekonomikane evolùcie, tha' vi p-o vastdinipen anda so dikhel o ulavipen e prinzaripnasko vi k-o nivèlo e regionurengo maj zalaga buxljarde.